

VERRAYES

Lo Vatican

Dè viou té, lo Vatican y ée lo non d'én cretsón dè Roma, situó su l'éponda drèite dou *Tevere*

èn fase ou Camp dè Mars è a drèite dou *Gianicolo*.

Da premé y ée én post umido è môsan, to dè terrén vaco maque bon pè lardzé dè bétchon-aïlle. Tcheucca dè té apré, *Agrippina* la Greusa (mamma gran dè Néròn) y a fé arèndzé dè bé dzardén a l'ènràn dou décllo è l'ampereur Néròn y a fé bâti én pitché sirque privó ioi què son itó tchó lè premé crétchèn. Én dè sisse martir y ée l'apotre Pière què y a-poue itó ènterró fran lé.

Dé adón, si cretsón y è véén én sèmetério tan pè lè payèn què pè lè crétchèn, tanque can l'ampereur Costantén, èntre lè-z-àn 326 è 333 apré Jèzù Cri, y a baillé odre d'èmplàn-à lo sondzón dou cretsón è y a fé bâti la premée bazeleucca dédièi a Sèn Pière.

Y è maque dé l'an 1870 què lo Vatican y è la rèzidanse dou Sèn Pae, ou Moyèn-Adzo Ilu y itoe ou palats dou Latrà, apré i ch'è tramó è y et alló ità a d'otre batize importante dè Roma commèn lo *Quirinale* què, èa, y è la rèzidanse dou Prèzidàn dè la rèpe-bleucca italienna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Préi de :

*Conte pe le petchoù de inque - Contes pour les enfants d'ici
Tome II, Histoires d'animaux*

Rita Decime, Musumeci Editeur, Quart (Ao) 1984

Texte publié en 2008 sur «Sarieula»

Collaborateur de Verrayes pour la traduction: **Lidia Philippot**

La transcription a été soignée par le Guichet Linguistique